

Aizkora ♦ Final Nagusira: Olasagasti, Peñagarikano, Nazabal, Mindegia, Jaunarena eta Etxeberria

Olasagasti gailur bidean


Kanporaketa irabazi zuen; Etxeberriak eta Jaunarenak lehen finala

Koldo Alduntzin / Donostia

I. MAILAKO kanporaketa ez zen joan uste genuen bidetik, Antonio Senosiain finaletik kanpo geratu zelako eta Felix Etxeberriak txartela bereganatu zuelako. Jaunarena sailkatzea ez zen hain harri-garria izan, Zubietakoa mugan ibili baita azken bi urteotan. Sasoian jarraitzen duena Joxemari Olasagasti da, Igel-dokoak lortu baitzuen denborarik onena, sei enborrak 18 minututan ebakita. Iaz Mindegia 17 minutu eta 2 segundotan amaitu zuen kanporaketako lana, eta orain dela bi urte, Donato Larretxeak 16 minutu eta 11 segundotan.

Altsasun jokatu zen kanporaketa, eta bederatzi aizkolari aritu ziren lehen. Hasiera eman aurretik minutu bateko isilunea egin zen Nartxi Saralegiren heriotzagatik. Hiru txandatan jardun zuten aizkolariek, eta bakoitzeko irabazlea Olasagasti, Nazabal eta Peñagarikano izan ziren. Peñagarikano 3. izan zen orain dela bi urte eta 5. sailkatu zen iaz. Beraz, Gipuzkoako Txapelketan eta igandean erakutsitako hobekuntzarekin, finalean aurrean ibiltzeko asmoa nabari zaio.

Beizamakoak 18 minutu eta 11 segundo behar izan



Felix Etxeberria lehen aldiz ariko da Maila Nagusiko finalean.

zituena. Nazabal (18'31") eta Miel Mindegia (18'54") sailkatzea espero zen. Bestetik, Antonio Jaunarenak (20'14") eta Felix Etxeberriak (20'40") azkenik lortu dute handiene-

kin batera aritzea. Erasunek (22'58") eta Barberenak (24'15") maila galduko dute; Barberena nafarrak finala jokatu zuen iaz. Senosiain 7. sailkatu zen (20'56").

Senosiain: «Hasieratik gaizki aritu nintzen»

BI URTEZ jardun du Antonio Senosiain Olaguekoak Maila Nagusiko finalean, baina aurten ez da ariko Donezteben, urriaren 10ean (12:30). Nafarrak aitortu zuen ez zela bere eguna izan: «Ez zen egur-rengatik izan, ez eta sasoi faltagatik ere, baina hasieratik gaizki hasi nintzen, eta lanerdietan bete egin nintzen pittin bat».

Gainera, «aizkoraren-kirtena hautsi zitzaidan, eta une batean ez nekien non nengoen ere; egun beltza izan nuen», zioen Antoniok. Ostegunean proba gogorra egin zuen kanporaketari begirako prestaketa saioan, eta ez zuen baztertzeko hark zerikusia eduki izana.

Nolanahi ere, urte irregularra izan du nafarrak. Urrezko Aizkoran nahiko ondo aritu zen, prestaketa intentsitatea jaitsi zuen, eta harrezkero, ez zuen aizkoran gozatu. Helere, Nafarroako I. Mailako finala geratzen zaio, eta hartan atera beharko du arantza. Etxeberriari buruz, aspaldi zebilela esan zigun.

Errugbia ♦

Baionak lau puntugatik galdu du Ligaren estreinakoan

Donibane-Loizune eta Baigorri lider jarri dira lehen jardunaldian

Koldo Alduntzin / Donostia

BAIONAK ezin izan zuen Ligaren estreinako garaipenarekin ospatu, 26-22 galdu baitzuen Tyrossen. Landetan galtzea ez da harritzekoa, bi taldeek lehia estua izaten baitute. Lehen zatian erabaki zuen garaipena Tyrossek, atsedenera joan aitzin, 23-11koa ezarri zuen arren Baionak. Hasiera kaskarra izan zuten lapurtarrek, baloiak bereganatzen ondo, baina ahulago baloiari eusten. Bigarren zatian gogor lan egin zuten aitzinean, eta asko hurbildu ziren. Tyrossek 2 entsegu eta lau zigor gogoratu zituen eta Baionak 2 entsegu (Izagirre eta Larralde) eta 4 zigor kolpe.

Nazional 1ekoek ere hasiera eman zioten Ligari. Donibane-Lohizunek eta Baigorri 33-24 eta 25-17 irabazi zuten eta Garazik eta Maulek galdu 21-18 eta 24-11 galdu.

Izotz hockeya ♦

Hormadik Chamonix hartuko du gaur

Koldo Alduntzin / Donostia

ANGERSEN kontra 2-1 galdu zuen Hormadik, eta gaur Chamonix hartuko du La Barren (20:30). Alpeetarrek 9. postuan amaitu zuten iaz, Hormadik baino 12 puntu gutxiagorekin. Aurten fitxaketa gutxi egin ditu Chamonixek. Iaz lau partidak irabazi zizkion Hormadik: 3-4, 8-2, 6-4 eta 0-3. Bilbao, Izagirre eta Hitze ez dira ariko.

Hormadik ozta-ozta ez zuen lortu garaipena Angersen, batez ere, partidaren amaieran izan zituena gol aukerak kontutan hartuta. 0-0, 1-0 eta 1-1 izan ziren zatietako emaitzak. Hormadiren gola Ducharmek sartu zuen.


Txapartegik sari bihurtu zuen aspaldiko ilusioa

EUSKAL HERRIKO II. Mailako txapelduna da Luismari Txapartegi Zestoakoa (Gipuzkoa), Eltziegion gainerako bost aizkolariek mendean hartuta. Lehen aldiz jantzi du Txapartegik txapela, makina bat ahalegin egin baditu ere. Iaz, urrutira joan gabe, kanporaketako denborarik onena egin zuen, eta finalean laugarren sailkatu zen Azurmendiren atzetik.

Eltziegoko saioan azkenaldira lortu zuen zestoarrak alde egin eta garaipena lortzea. Hasiera batean Juan Jose Lopez nafarra eta Xabier Orbegozo Arria V.a jotzen genituen indartsuenak txapela janzteko, I. Mai-

latik iaz jaitsi baitziren. Txapartegik ez du erraz izaten lana alde batera uztea eta behar bezala prestatzea, baina igandean erakutsi zuen aizkolari onenekin lehiatzeko maila duela.

Sei enborrak 20 minutu eta 27 segundotan ebaki zituen; iaz Felix Etxeberria txapeldunak baino 57 segundo gehiago. Bigarren posturako lehia estuan, Fausto Mugertza (20'50") nagusitu zitzaizen Xabier Orbegozo Arria V.a (20'58") eta Iñaki Azurmendiri (21'). Bosgarren Javier Elorriaga (21'21") izan zen eta seigarren Juan Jose Lopez (21'53"). Txapartegi eta Mugertza I. Mailara igo dira.



Luismari Txapartegik ezustea eman zigun gehienoi, txapela irabazita.